

過多者却用桂枝甘草湯是閉汗也一藥二用如何說得仲景發汗與本草之羨合而為一吞曰本草云桂枝味辛甘熱無毒能為百藥長通血脉止煩出汗者是調血而汗自出也仲景云臟無他病發熱自汗者此衛氣不和也又云自汗者為榮氣和榮氣和則外不諧衛氣不與榮氣相諧和也榮氣和則愈故皆桂枝湯調和榮衛榮衛既和則汗自出矣風邪由此而解非桂枝能開腠理發出汗也以其因閉榮血衛氣自

和邪無容地而出矣其實則閉汗孔也昧者不解閉汗之意凡見病者便用桂枝湯發汗若與中風自汗者合其効桴鼓曰見其取効而病愈則曰此桂枝發出汗也遂不問傷寒無汗者亦與桂枝湯悞之甚矣故仲景云無汗不得服桂枝是閉汗孔也又云發汗多又手心悸欲得按者用桂枝甘草湯是亦閉汗孔也又曰汗家不得重發汗若桂枝發汗是重發汗也凡桂枝條下言發字當認作出字是汗自然出也非若麻

黃能開腠理而發出汗也本草出汗二字上文有通血脉一句是非三焦衛氣皮毛中藥是為榮血中藥也如是則出汗二字當認作榮衛和自然汗出非桂開腠理而發出汗也故後人用桂治虛汗讀者當逆察其意則可矣噫神農之作於其前仲景之述於其後前聖後聖其揆一也

太陰禁忌不可犯

小便不利不可使利之利之是謂犯本以是知五苓散不可妄用大便不可易動之是謂動血此為犯禁表在不可下之尤犯禁也

太陰証亦有當汗不當汗者

咽乾淋渴鼻衄小便不利已經發汗不得重發如無已上忌証雖經發汗倘邪氣未盡亦當重發之

當汗而不汗生黃

其証為風寒所傷陰氣下陷入於內而排寒水上行于經絡之間本當發汗因以徹其邪醫失汗

之故生黃也脾主肌肉四肢寒濕與內熱相合而生黃也

當汗而發汗過多成瘥

其証曰發汗太過腠理開泄汗漏不止故四肢急難以屈伸

不當汗而汗成蓄血

蓄血其証燥火也當益津液為上而反汗以亡其津液其毒擾於之極則慢陰也故燥血而蓄於胃中也

血証見血自愈

太陰病入膀胱小便利而赤蓄血証也血自下者愈也

知可解

戰而汗解者太陰也不戰有汗而解者少陰也不戰無汗而解者少陰也若先差經必不爾矣

太陰傳少陰明其中或有下証少陰明証反退而熱兼不竭却退顯少陰証是知可解也

太陰知可解者頭不痛項不強肢節不痛則知表

邪退也

陽明知可解者為無發熱惡寒知裏易解也

少陽病知可解者寒熱日不移時而作邪未退也
若用柴胡而移其時早移之於晏移之于早
氣移之於血移之于氣是邪無可容之地知
可解也

知不可解

服解藥而去沉困只頭痛目悶是知濕去而風不
去則欲解也若風去而濕不去則不解何以然

風則高濕則下而入裏也

脈知可解不可解

可解之脈浮而虛不可解之脈浮而實浮而虛者
只是在表浮而實者知已在裏也汗多不解者
轉屬少陽也傷寒不頭痛知邪不在經若頭痛
者知邪在經也

易老九味羌活湯解利法

羌活 治太陽肢節痛君主之藥也乃撥亂反正
之主故大無不通小無不入關節非此不治也

防風 治一身尽痛乃軍卒中卑下之戢一所君
令而行隨所使引之而至者也

蒼朮 别有椎壯上行之氣能除濕下安太陰使
邪氣不傳于足太阴脾

細辛 治少阴腎經頭痛

川芎 治厥阴頭痛在腦

白芷 治阳明頭痛在巔

生地黄 治少阴心熱在內

黃芩 治太阴肺熱有神

甘草 能緩裏急調和諸藥

已上九味雖為一方然亦不可執之中無權
猶執一也當視其經絡前後左右之不同
其多少大小之不一增損用之如神

右水煎服

若欲急汗當熱服以羹粥投之若緩汗溫服之而
不用湯投之也

脉浮而不解者先急而後緩 脉沉而不解者先
緩而後急

本湯不獨解利傷寒治雜病亦有神 中風行經者加附子 中風秘澁者加大黃 中風并三氣合而成痺等症各隨十二經上下內外寒熱溫涼四時六氣加減補瀉用之煉蜜作丸尤妙 當汗而下之成協熱利

當各隨三陽本証表藥發之表解下利自愈若不愈者方可以利藥治之

太陝一下有八變

太陝病下之其脉促不結胸者此為欲解也

脉浮者必結胸 脉緊者必咽痛 脉弦者必兩脇拘急 脉細數者頭痛不止 脉緊數者必欲嘔 脉沉緩者協熱利 脉浮滑者必下血

裏傳表

太陽反下之目而腹滿時痛者屬太陰也桂枝加芍藥湯主之至於大實痛者胃也桂枝加大黃湯主之已傳戊婦告夫也所以為裏傳表即名誤下傳也

三陝三陝辨証用藥治法

彭用光

太呿無汗麻黃為最大呿有汗桂枝可先小柴胡
為少呿之要領大柴胡行呿明之秘堅至三陰
則難拘定法或可溫而或可下宜數變以曲全
生意或可方而或可圓

傷寒表証分別治法以便四時取用

傷寒表証是如何左手脈無汗惡寒身熱多頭

項俱疼脉浮取輕手按之脉施方施劑汗之和

冬麻黃湯十神湯
春夏羌活冲和湯

傷寒裏証治法宜次第

傷寒裏証心腹疼邪傳入裡脉不惡寒而惡熱蒸

其脉數沉兼自汗二便秘少下之生輕則大柴胡湯重則

三承氣湯選用

陽証 陽証身熱及頭疼身重咽乾難卧動或有譫

語及循衣脉息弦洪宜審用

脉洪大有力十神湯 九味羌活湯 三承氣湯

次第選用

陰証 陰証身涼二便清病初自汗也頭痛也無

煩躁也無渴脉息沉微自可明

脉沉微無力 五積散 理中湯

陰毒 手足甲青至節 三建湯 此症極危

灸關元 氣海 丹田 臍中

陽証似陰 陽証身涼冷四肢小便赤少大便稀

心煩口燥脉沉數白虎湯兼竹葉奇

脉沉數有力 竹葉石膏湯 柴胡五苓

陰証似陽 陰証如暍面赤經小便清利大便通

渾身微熱沉遲脉真武湯佳兼理中

脉沉遲弱 五積散 附子理中湯

灸服藥而脉不回宜灸 氣海 神闕 丹田

陽厥 陽厥時：指爪溫心煩便秘口乾論脉來

沉細中還疾承氣柴胡最可吞

陰厥 陰厥身涼熱不回二便通滑不煩時脉來

沉伏知端的三建湯兼四逆宜 先用星烏乾姜湯 隨用三建

脉沉微昏憤 湯

灸 此証倉卒無藥只灸關元氣海丹田妙

血發黃 發黃恰似烟薰色小便自利大便黑唇

焦漱水血家黃菴仁承氣湯堪搯

蓄血黃

此由脾胃熱甚失于汗下以致之宜抵當湯飛仁承氣選用

濕証黃疸

發黃渾似橘皮明小便不利大便行

蓄熱陰黃

頭汗出四肢沉重如瘡俱用前陳湯加五苓兼小柴加梔子湯

發斑 發狂

吹毒發斑是如何梔子大黃黑奴科 此症甚

危紅赤白易治如黑斑則胃爛難治如陽毒五

日內可治六日七日難治

人參石膏化斑湯玄參升麻石膏湯

大青四物湯

溫毒

葛根橘皮湯黃連橘皮湯

調胃承氣湯猪胆鷄子湯

黑奴丸方

治吹毒發斑煩躁大渴倍常時行熱

病六七日未得汗脉洪大或數面赤目脹身痛

大熱煩躁狂言欲走渴甚又五六日以上不解

熱在胸中口噤不能言為壞傷寒醫所不治棄

為死人精魂已竭心下繞暖撥開其口灌下即

活人凡灌藥下咽便能即時甦醒

黃芩

芒硝

麻黃

釜底煤

小麦奴

灶突墨

梁上塵

各一兩

大黃

一兩錢

右為末煉蜜為丸彈子大井水化下即當發
寒之已汗出乃差若時頃不汗再服一九頃
見微利若不大渴不可與此藥

問兩感邪從何道而入

王好古

答曰經云兩感者死不治一日太陰與少陰俱病
頭痛發熱惡寒口乾煩滿而渴太陰者腑也自
背俞而入之人之所共知之少陰者臟也自鼻
息而入人所不知也鼻氣通於天故寒邪無形
之氣從鼻而入腎為水也水流濕故腎受之經

曰傷于濕者下先受之同氣相求耳又云天之
邪氣感則害人五臟以是知內外兩感臟腑俱
病欲表之則有裏欲下之則有表：裏既不能
一治故死矣故云兩感者不治然所稟有虛實
所感有淺深虛而感之深者必死實而感之淺
者猶或可治：之而不救者有矣夫未有不治
而獲生者也予嘗用此間有生者十得二三故
立此方以待好生君子用之

大羌活湯

防風

羌活

獨活

防己

黃芩

黃連

白朮

蒼朮

炙甘草

細辛

各三錢

知母

川芎

地黃各一兩

右每服五錢水煎熱服不解再服三四次必解病愈則止若有餘証並依仲景隨經法治之

傷寒候下變有輕重

或問曰傷寒雜証一躰若候下之甚者變大荅曰非一躰也傷寒候下變無定躰雜病誤下變有

定躰何以然傷寒自外而入也也也主動雜病自內而出也也也陰主靜動者犯之其變無窮靜者犯之其變止痞腹脇痛而已故變無窮者為重痞與腹脇痛者為輕也

辯內外傷

傷風鼻中氣出粗合口不開肺氣通于天也傷食口無味涎不納鼻息氣勻脾氣通于地也外傷一身盡熱先太暍也從外而之內者先無形也

內傷手足不和兩脇俱熱先少少也從內而之外者先有形也

內外俱傷人迎氣口俱盛或脊按皆實大表發熱而惡寒腹不和而口液此內外兩傷也

凡診則必捫手心手背手心熱則內傷手背熱則外傷次以脉別之

冬傷于寒者春必溫病夏為熱病長夏為大熱病蓋目房失勞傷與辛苦之人水虧無以奉春生之令故春少氣長而為溫病也夏為熱病者是

火先動于火未動之時水預虧于已旺之日故邪但藏而不為病也夏令炎蒸其火既旺與前所動者客邪與主氣二火相接所以為熱病也長夏為大熱病者火之方與秋之分皆手經居之水之方與春之分皆足經居之所傷者皆經不足故夏火旺客氣助于手經則不足者愈不足矣故所用之藥皆泄有餘而非足經藥何以然泄有餘則不足者補矣此傷寒本足經只言足經而不言手經也大意如此至于傳手經者

亦有之當作別論與夫奇經之病亦在其中矣
狂言譏語鄭声辯

狂言者大開目與人語、所未嘗見之事即為狂
言也譏語者合目自言、所日用常見常行之
事即為譏語也鄭声者声戰無力不相接續造
字出于喉中即鄭声也

陽明症不可犯禁忌

不當發汗不當利小便若發汗利小便竭其津液
則生蓄血症也惟當益津液為上以其火就燥

也益津液者蓮鬚葱白湯是也汗多亡陰下多
亡陰小便重利之走氣三者雖異為言少津液
則一也

汗多亡陰

汗者本所以助陰也若陰受陽邪寒結無形須當
發去陰邪以復陽氣所謂益陽而除風寒客氣
也陰邪已去而復汗之反傷陰經曰重陰必陰
故陰氣自亡汗多亡陰此之謂也

下多傷陰

下者本所以助陰也若陰受陽邪熱結有形須當
除去已敗壞者以致新陰此所謂益陰而除火
熱邪氣也秋邪已去而復下之反亡陰也經曰
重陰必死故陰氣自亡下多亡陰此之謂也

傷寒五臟受病脈証相對訣

心臟

心病舌強笑面赤燥煩掌熱口乾譏臍上
動氣洪緊數反得沉微命不全

肝臟

肝家面青目痛閉筋急怒容臍左氣脈當
弦急或兼長浮瀦短芤名不治

脾臟

脾家不食面皮黃躄重肢痛喜卧床動氣
當臍脈緩大弦長而緊是凶殃

肺臟

肺家面白帶憂愁吐血寒溫喘嗽求臍右
氣芤沉細瀦大而牢者死根由

腎臟

腎家面黑爪甲青耳閉足寒泄腹疼臍下
氣芤脈沉滑緩而大者死之形

已上皆受尅之脈為賊邪故凶也

赤水玄珠第十八卷目錄

痰證

傷食

虛煩


腳氣

傷寒用藥法則


六經用藥法

傷寒看證大畧

一提金脉要



國家圖書館, NATIONAL CENTRAL LIBRARY, TAIWAN, R.O.C.



截江綱論脉

傷寒撮要論脉

六經圖正治法

煎藥法

劫病法

製藥法

目錄終

赤水玄珠第十八卷

新安生生子孫一奎著輯

痰證

外證增寒壯熱惡風自汗胸滿氣上衝咽不得息
頭不疼項不強若涎多者亦隱々頭疼脉有寸
浮者亦有寸伏者以意叅之柴胡半夏湯金沸
草散大半夏湯氣上衝瓜蒂散吐之
積痰虛損痰不用此藥
此亦風痰証也如食

傷食

亦頭疼惡寒身熱但左手脉平和右手脉緊盛知
為食大橘皮二陳湯心腹滿脹大柴胡湯下之
胸滿嘔吐者瓜蒂散吐之

亦夾食傷寒也全傷食者恐不可用柴胡

虛煩

諸虛煩熱與傷寒相似但不惡寒頭不疼身不痛
為異耳表既虛不可汗裏不實不可下叔和云
虛煩有熱不可攻

腳氣

傷寒傳足不傳手所以寒濕之氣蒸于足發則類

傷寒其証頭疼身熱肢節痛大便閉或嘔但初
病時起于腳膝屈弱不能移動為異耳感於寒
所患必冷越婢小續命湯入生姜汁最妙感于
暑所患是熱小續命去附子減桂一半脚腫木
瓜散楨榔散大便秘脾約丸

論傷寒用藥法則

標本逆從之既明五劑之藥須用識且如表汗用
麻黃無芩白不發吐痰用瓜蒂無豉不湧去實
熱用大黃無枳實不通溫經用附子無乾姜不

熱甚則以泥清水加菟白煎之竹瀝無姜汁不能行經絡蜜道無皂角不能通秘結非半夏姜汁不能止嘔吐非人參竹葉不能止虛煩非小柴胡不能和解表裡非五苓散不能通利小便非天花粉乾葛不能消渴解肌非人參麥門冬五味不能生脉補元非犀角地黄不能止上焦之吐衄非菝葜仁承氣不能破下焦之瘀血非黃耆桂枝不能實表間虛汗非茯苓白朮不能去濕助脾非茵陳不能去黃疸非承氣不能制定發狂非枳桔不能除痞滿非陷胸不能開結胸非羌活不能治四時之感冒身疼非人參敗毒不能治春溫非四逆不能治陰厥非人參白朮不能化斑非理中烏梅不能治蛇厥非桂枝麻黃不能除冬月之惡寒熱隨汗解非姜附湯不能止陰寒之泄利非大柴胡不能去實熱之妄言陰陽咳嗽上氣喘息用加減小青龍分表裡而可汗下此傷寒用藥之大法也

陰經用藥格法

太陰脾土性惡寒濕非乾姜白朮不能燥濕也
少陰腎水性惡寒燥非附子不能溫潤

厥陰肝木藏血榮筋非芍藥甘草不能滋養此經
常之道

治傷寒看證大畧

凡證有頭疼惡寒皆是傷寒無則皆否也何則蓋
傷寒則惡寒傷食則惡食理固然也但風從上
來臥先受之寒從下來陰先受之風與寒常相
因而感冒之時則又不同及其証之外見者則

一也

一提金脉要

人之陰陽即為先天人之氣血即為後天脉者非
血非氣乃血氣之先即營行之道路又問曰既
知先後天之脉理須明持脉之要曰舉曰按曰
尋三字若此不明即陰陽表裡虛實何以別之
持脉者輕手循之曰舉重手取之曰按不輕不
重委曲求之曰尋

截江網論脉

雜病以絃為陽傷寒以絃為陰雜病以緩為弱傷
寒以緩為和兩手無脉曰双伏一手無脉曰单
伏必有正汗也寸口阳脉中或見沉細者但無
力者為陽中伏阴尺部阴脉中或見沉數者為
阴中伏阳寸口數大有力為重阳尺部沉細無
力為重阴寸脉浮而有力主寒邪表實宜汗浮
而無力主風邪表虛宜實尺脉沉而有力主阳
邪在裡為實宜下無力主阴邪在裡為虛宜温
寸脉弱而無力切忌發吐尺脉弱而無力切忌

汗下初按来疾去遲名曰内虛外實去疾来遲
名曰内實外虛尺寸俱同名曰緩：者和而生
也汗下後脉靜者生躁乱身熱者死乃邪氣勝
也温之後脉来歇至者正氣脱而不復生也純
絃之脉名曰負：者死按之解索名曰阴阳離
離者死阴病見阳脉者生阳病見阴脉者死

傷寒掇要論脉

左右手脉俱急緊盛是夾食傷寒右手脉来空虛
左手脉来緊盛是勞力傷寒左手脉来緊右手



洪滑或寸脉沉伏身熱惡寒隱々頭痛喘咳煩
 悶胸脇躄痛是夾痰傷寒左手脉來緊瀯右手
 脉沉數心胸脇下小腹有痛處是血鬱內傷外
 感六經圖及傷寒撮要一提金六經正治捷法
 足太陽經委中穴在脰中央約紋動脉陷中脰中
 央即膝後相對腿灣中也目內眥在面前眼內
 边神庭在中間額上額之角也

此圖玉枕至陰二穴膀胱經穴也風府穴督脉穴也膀胱與督脉會于頂顛連於風府太陽症項強故併及之

足太陽膀胱經圖頭為諸阳之首故多傳變受病為先也其脉起于目内眦從頭下至項連風府行身之背終于足也其証頭項痛項強腰疼骨節痛經曰太陽頭痛脉浮項背強而惡寒嘔逆身疼或已發熱或未發熱者俱宜發表不可輒下之表邪乘虛内陷傳變不可勝數又不可利

小便利之則引熱入裡其害不淺若本病煩熱小便不利者乃利之則不禁如小便自利如常則不可利也凡有汗不得再發汗多不得利小便

足太陽起于目内眦上額過神庭弯至玉枕過項夾背脊由後廉而下至小趾外側至陰穴止

太陽經見證法

假如先起惡寒者本病已後發熱者標病若有一毫頭痛惡寒身熱不拘日數多少便宜發散自

然熱退身涼有何變証

此處寒熱標本指病之先後言上文本病煩熱之本字指六經標本言不可混看

辯証法

表裏自汗者為風傷衛氣宜實表、實無汗者為寒傷營血宜發表

診脈法

診脈大凡皮膚之上輕手按之便得曰浮脈浮緊有力為傷寒脈浮緩無力為傷風

用藥法

冬月正傷寒用升陽發表湯即加減麻黃湯冬月傷風用疎邪實表湯即加減桂枝湯春秋無汗用羌活中和湯發表有汗用加減中和湯實表腹痛小建中湯痛甚桂枝加大黃湯夏月無汗用神木湯有汗用前加減中和湯

足陽明經



此圖神庭穴督脉穴也陽明經神庭過故載之
 足陽明胃經圖乃兩陽合明于前也一曰府者居
 中土也萬物所歸也其脉起于鼻額上頭額絡
 于目循于面行身之前終于足也經曰傷寒二
 日陽明脉大又曰尺寸俱長者陽明受病也
 足陽明起于鼻兩傍上頭維從乳中近外傍而下
 前廉梁丘穴至大趾次趾之端厲兌穴止
 陽明經見証法
 頭額痛目痛鼻乾不眠微惡寒是足陽明胃經受

病假如先起目痛惡寒身熱者陽明經本病已後潮熱自汗譎語發渴大便實者正陽明胃府標病夫本宜解肌標宜急下看消息用之

辯證法

目痛鼻乾微惡寒身熱病在經潮熱自汗譎語發渴便實不惡寒病在腑

診脉法

按至皮膚之下肌肉之間畧重按之乃得之脉見微洪為經病按至筋骨之間重按之乃得脉見

沉數為腑病

用藥法

微惡寒自然目眊痛鼻乾不眠者用柴葛解肌湯即加減葛根解肌湯渴而有汗不解者如神白帛湯即加減白帛湯潮熱譎語發渴揭去衣被揚手擲足斑黃狂亂不惡寒反怕熱大便實者輕則大柴胡湯重則三承氣湯選用俱在秘方六一順氣湯加減治之

足少陽經



足少陽膽經其脉起于目銳眦上頭角絡耳中循
 胃脇行身之側終于足也前有陽明後有太陽
 居二阳之中所以居半表裡經曰尺寸俱弦者
 足少阳受病其證頭痛目眩口苦腦滿耳聾脇
 痛或心煩喜嘔或胸中煩悶而不嘔或心下病
 鞭或寒熱往來或發熱寅申時尤盛或身微熱
 者皆少阳也凡頭角痛耳中痛耳中烘々而鳴
 耳之上前後腫痛皆少阳所主部分其火為之
 也若口苦者少阳之膽熱脇下鞭者少阳之結

也

足少阳起于目锐眦上頭角絡耳中過乳外傍從
兩脇由外廉而下至小指次指之端竅阴穴止
少阳經見證法

假如先起惡寒身熱耳聾脇痛者本病已後嘔而
舌乾口苦者標病緣胆無出入病在半表半裡
之間止宜小柴胡湯加減和解表裡治之再無
別湯本方有加減法此經有三禁不可汗下利
也若治之得法有何壞証當須識此毋致忽焉

辯證法

耳聾脇痛寒熱嘔而口苦舌乾便屬半表半裡証
不從標本從乎中治

診脉法

按至皮膚之下肌肉之間畧重按之乃得脉見弦
數本經

用藥法

耳聾脇痛寒熱嘔而口苦舌乾者用柴胡雙解飲
即加減小柴胡湯若阳明少阳合病則脉弦而

長此湯加葛根芍藥

足大陰經



太白
大都
隱白

此圖臚中穴任脉穴也太陰脉過此故載之

足太陰脾經圖脾為中榮宮之坤土也其脉始干

足太指上行至腹絡于嗑連舌本行身之前也

若寒邪卒中直入本經者一時便發腹痛或吐

或利宜溫之如四日而發腹滿嗑乾者此傳經

之邪也宜和之若太陽病下之早因爾腹痛者

此誤下之而傳也凡治太陰症自利不渴脉沉

細手足冷急溫之若脉浮者可發汗宜桂枝湯

主之若發熱脉數者少陽之邪未解小柴胡湯

主之如自利不渴者臟有寒也宜理中湯甚者
加附子重則回陽救急湯即加減四逆湯腹滿
嘔吐食不下者宜治中湯手足冷脉沉細者宜
四逆湯若傳經邪熱內陷腹痛者宜桂枝芍藥
湯主之

足太陰從足大趾隱白穴由內廉而上環小腹上
乳內傍臆中其別從乳外近厥陰而上至喉下
人迎止

又云凡陽經傳來之邪終是陽明腑証皆不當和
亦不可用桂枝只三承氣選用其用桂枝者中
在陰經未入陰府也

太陰經見證法

腹滿自利津不到咽手足溫者是足太陰脾經受
証假如先起腹滿咽乾者本病已後身目黃標
病內有寒熱所分不可混治臨病之際用在得
宜

辯証法

腹滿咽乾發黃者屬腑熱自利不渴或嘔吐者屬

臟寒

診脉法

重手按至肌肉之下筋骨之間方得脉沉而有力
宜當下脉見沉而無力宜當温

用藥法

腹滿咽乾手足温腹痛者桂枝大黃湯即加減桂
枝湯身目黄者茵陳大黃湯即加減茵陳湯自
利不渴或嘔吐者加味理中飲重則回阳急救
湯即加減四逆湯

足少陰經



臟寒

診脉法

重手按至肌肉之下筋骨之間方得脉沉而有力
宜當下脉見沉而無力宜當温

用藥法

腹滿咽乾手足温腹痛者桂枝大黃湯即加減桂
枝湯身目黄者茵陳大黃湯即加減茵陳湯自
利不渴或嘔吐者加味理中飲重則回阳急救
湯即加減四逆湯

足少陰經



足少陰腎經圖為人身之根蒂也其脉始于足心上行貫脊循喉絡舌本散舌下注心中行身之前也若因慾事腎虛者寒直中之也其証一二日便發故發熱脉沉足冷或惡寒倦卧宜溫經散寒若五六日而發躁舌乾者此傳經之熱邪宜急下之恐腎水乾也如其脉沉細足冷者又不可下急溫之脉沉疾有力者乃可下之凡少陰飲水而小便色白者下虛有寒引水自救非熱宜溫之蓋少陰傷寒多因勞傷腎經之所致

有緊有慢其害甚速宜溫之不可以寒涼之藥妄投之也但脉沉足冷雖發熱者急宜溫腎以扶元氣

足少陰起于足心湧泉穴由內廉而上在太陰經之後行入乳內傍近臆中至喉下人迎止

少陰經見證

假如先起舌乾口躁者本病已後譎語大便實者標病至陰經則難拘定法或可溫而或可下因分直中者寒証傳經者熱症是其發前人之所

未發也

診脉法

重手按至肌肉之下筋骨之間方得脉見沉實有力宜當下脉見沉遲無力宜當溫

用藥法

口燥咽乾渴而譎語大便實或遠臍鞭痛或下利純清水心下鞭痛者俱是邪熱燥屎使然急用六一順氣湯分輕重下之即承氣湯有加減法無熱惡寒厥冷勸卧不渴或腹痛嘔吐瀉利沉

重或陰毒手指甲唇青嘔逆絞痛身如被杖面如刀刮戰慄者俱是寒邪中裡使然急用回陽救急湯溫之即四逆湯有加減法

足厥陰經



此圖一經從缺盆下乳上入裏會於頂巔

足厥陰肝經圖厥者尽也六經之尾也其脉起於
 足大指上環阴器抵小腹循脇肋上口唇與督
 脉會于巔頂行身之前側也若本經不足寒邪
 直中之也一日便發吐利小腹痛寒甚者唇青
 厥冷囊縮急宜温之并著艾灸丹田氣海以温
 之若六七日發煩滿囊拳者此傳經熱邪厥深
 熱亦深也若脉沉疾有力者宜急下之若脉微
 細者不可下也凡傷寒傳至厥陰經則病勢極

矣然死生在於頃臾可不謹察之也大抵熱深厥亦深則舌卷囊縮陰寒冷極亦舌卷囊縮也當要仔細而辯其冷熱之治其法微矣

足厥陰起足大趾大敦穴由內廉而上在太陰經之前行入小腹過脇下從乳外傍彎入乳內傍至中脘而止其入裏行者會于巔頂也圖內不載

厥陰經見證法

假如先起消渴煩滿者本病已後舌卷囊縮者標

病亦有寒熱兩端不可驟作熱治

辯證法

煩滿囊拳消渴者屬熱口涎沫不渴厥冷者屬寒似瘧不嘔清便必自愈

用藥法

消渴煩滿舌卷囊縮大便實手足乍冷乍溫者急用六乙順氣湯下之即承氣湯有加減法口吐涎沫或四肢厥冷不溫過乎肘膝不渴小腹絞痛嘔逆者急用茱萸四逆湯即回陽救急湯有

加減法

煎藥法

一發汗藥先煎麻黃一二沸後入餘藥同煎

一止汗藥先煎桂枝

一和解藥先煎柴胡

一下藥先煎滾水入枳實

一溫藥先煎乾姜

一行血藥先煎桃仁

一利水藥先煎猪苓

一止瀉藥先煎炒白朮

一消渴藥先煎天花粉

一止痛藥先煎白芍藥

一發黃藥先煎茵陳

一發斑藥先煎青黛

一發狂藥先煎石羔

一止嘔藥先煎半夏

一勞力感寒先煎黃芪

一濕証藥先煎蒼朮

一感冒傷寒先煎羌活

一暑症藥先煎香薷

一瘧病藥先煎防風

一腹如雷鳴藥先煎煨生姜

已上俱以主病者先煎餘藥俱後入同煎

劫病法

一傷寒發狂奔走人難制伏先於病人處生火一盆用醋一碗傾於火上其烟冲入鼻內即安方可察其陽狂陰躁親切用藥無差若初起頭疼

發熱惡寒方除已後登高而歌棄衣而走踰牆上屋罵詈叫喊大渴欲死脉來有力乃因邪熱傳裏陽盛發狂當用寒藥下之此為陽狂凡見舌卷囊縮者不治若病起無頭疼身微熱面赤戴陽煩躁脉來沉微無力欲坐卧於坭水中乃因寒熱而發躁手指甲面色青黑冷汗不止心腹結鞭如石躁渴欲死即陰証似陽當用熱藥溫之此為陰躁凡見厥冷下利譏語者不治須詳脉來有力無力此為良法

一傷寒腹中痛甚將凉水一盞與病人飲之其痛稍可者屬熱當用涼藥清之清之不已而或遶臍鞭痛大便結實煩渴屬燥尿急用寒藥下之若食痛同治法若小腹鞭痛小水自利大便黑身目黃者屬蓄血亦用寒劑加行血藥下尽黑物則愈此三者皆痛隨利減之法也若飲水愈加作痛屬寒當用溫藥和之和之不已而或四肢厥冷腹痛嘔吐瀉利急用熱藥救之須詳脉來有力無力此為良法

一傷寒直中陰經真寒証甚重而無脉或吐瀉脫元而無脉用好酒姜汁各半盞與病人服之其脉來者可治當察其脉用藥不拘脉浮沉大小但指下出見者生如用此法脉不至者必死又當問病人何處有痛証要知痛甚者脉必伏宜隨病制宜方為吉兆如無痛証用此法而脉不至者不為吉兆尤當問病人若平素原無正取脉須用覆手取之脉必見也此屬反關脉診法與正取法同若平素正取有脉後因病診之無

脉者亦當覆手取之而脉出者阴阳錯乱也宜和合阴阳如覆取正取俱無脉者必死此為良法

一傷寒舌上生胎不拘滑白黃黑俱用井水浸青布片於舌上洗淨後用生薑片子時、蘸水刮之其胎自退凡見舌生黑胎芒刺者必死此熱毒入深十有九死是腎水尅心火也若發黃者用生薑粗時、週身擦之其黃退若心胸脇下有邪氣結實滿悶鞭痛用生薑一斤搗粗去汁

炒微燥帶潤用絹包於患處款、熨之稍可又將粗和勻前汁炒乾再熨許久豁然寬快俱為良法

一傷寒鼻衄成流久不止者將山梔炒黑為細末吹入鼻中外將水紙搭於鼻冲其血自止若點滴其血不成流者其邪在經未解照後秘方用藥不在此法

一傷寒熱邪在裏服轉藥後鹽炒麩皮一升將絹包於病人腹上款、熨之使藥氣得熱則行大

便易通矣

一傷寒吐血不止用韭汁磨京墨呷下其血見黑必止如無韭汁用鷄子清亦可正謂赤屬火而黑屬水也

一傷寒直中陰經真寒証或陰毒証身如被杖腹中絞痛嘔逆沉重不知人事四體堅冷如石冰指甲唇青藥不得入口六脉沉細或無脉欲絕者將葱縛一握切去根葉取白三寸許如餅先用麝香半分填於臍中後放葱餅於臍上以火

熨之連換二三餅稍醒灌入生姜汁煎服回陽救急湯如不醒再灸關元氣海二三十壯使熱氣通其內逼邪出于外以復陽氣如用此法手足溫和汗出即醒者為有生也如用此法手足不溫汗出不省人事必死

一傷寒熱病熱邪傳裏亢極無解用黃連煎水一盞放井中頓冷浸青布搭于胸中徐徐換之待熱勢稍退即除不可久漬夏月用此法冬月不宜用

一傷寒服藥轉吐出不納者隨用竹管重捺內關後將生姜自然汁半盞熱飲其吐即止大凡服寒藥熱飲熱藥寒飲中和之劑溫和服之如要取汗雖辛甘之劑亦宜熱服如要止汗雖辛甘溫之劑亦宜溫服此為良法

內關中掌後腕二寸厥陰心包相火之經

一中風痰厥昏迷卒倒不省人事欲絕者先用皂莢末搥紙燒烟冲入鼻有嚏可治隨用吐痰法用皂莢末五分半夏白礬各三分為細末姜汁

調服探吐後服導痰湯加減治之無嚏不可治此為良法

一治乾霍亂不得吐者用滾湯一碗入皂莢末三分鹽一撮調服探吐切莫與米湯與之即死是穀氣反助邪氣也

一中寒卒倒昏迷不醒者先用熱酒姜汁各半盞灌入稍醒後服加味理中為効如不飲酒人止用姜汁灌之依此法調治冬月有之餘月不多見

製藥法

一用附子去皮臍先用鹽水姜汁各半盞用砂鍋煮七沸後入黃連甘草各半兩再加童便半盞再煮七沸佳火良久撈起入磁器盛貯伏地氣一晝夜取出晒乾以備後用庶無毒害頂圓臍正一兩一枚者佳

一用川大黃須錦紋者佳剉成飲片用酒拌均燥乾後用不傷陰血如年壯實熱者生用不須製一用麻黃去節先滾醋湯畧浸片時撈起以備後

用庶免大發如冬月嚴寒膝理至密當生用不須製

一用吳茱萸將鹽水拌均炒燥庶無小毒

一用附子後身目紅者乃附子之過用蘿蔔搗水瀝汁二大盞入黃連甘草各半兩犀角三錢煎至八分服之以解附子毒其紅即除如解遲必血從耳口鼻出者必死無蘿蔔用蘿蔔子搗水取汁亦可如無蘿蔔子用澄清坭漿水亦可也一用大黃後瀉利不止者用烏梅二枚炒粳米一

撮乾姜二錢人參炒白朮各半兩生附子皮一錢半甘草一錢升麻少許灯心一握水二大鍾煎之去渣後入炒陳壁土一匙調服即愈取土氣以助胃氣也

一用麻黃後汗出不止者將病人髮披水盆中足露出外用炒糯米半升龍骨牡蠣藁本防風各一兩為細末周身撲之隨後秘方用藥免致亡陽而死此為良法

羌活冲和湯 治太陽傷風有汗脉浮緩

羌活 白芷 黃芩 甘草各一 防風 白朮

生地各一 川芎五分 右如前煎法若一服汗仍

未止加黃芩一錢半芍藥一錢仍未止以小柴

胡加桂枝芍藥各一錢

葛根湯 治太陽陽明項背強急無汗惡風脉帶

弦浮而發熱又治太陽與陽明合病必自利此

湯並主之 葛根一錢 甘草 麻黃各二錢 去節湯泡二次

水二鍾姜四片棗二枚煎畧微燬取汗

獨活散 治傷寒溫熱等症

羌活 獨羌 防風 枳壳 黃芩 麻黃泡
人參 細辛 茯苓 炙甘草 蔓荊子
甘菊花 石膏 水二鍾姜三片薄荷五葉
煎

敗毒散 治傷寒溫疫風溫頭目昏眩四肢疼痛
增寒壯熱項強目睛疼尋常風眩拘急

羌活 獨活 前胡 柴胡 川芎 枳壳
桔梗 茯苓 人參 甘草各等分
水二鍾如常煎服

六神通解散

麻黃 黃芩 滑石各二兩 石膏一兩 甘草半兩
蒼朮四兩 治時行二日前加葱白香豉煎服而
汗之立効中病即止不可尽劑

升麻湯 治傷寒中風頭疼增寒壯熱肢躰疼痛
發熱惡寒鼻中乾不得卧兼治寒暄不時人多
疾疫及暴熱之頃忽然變寒身躰疼痛頭重如
石 升麻 甘草 芍藥 葛根各等分
每服七八錢煎如常法若老人去芍藥加柴胡

茯苓人參各一錢

五積散 治陰經傷冷脾胃不和感冒寒邪

蒼朮 二十兩 桔梗 十二兩 陳皮 八兩 白芷 茯苓 各四兩

甘草 枳壳 炒各五兩 肉桂 人參 川芎 各二兩

厚朴 半夏 芍藥 當歸 麻黃 乾姜 各三兩

右十六味除枳壳肉桂陳皮其餘共一處生搗為粗末用酒拌勻晒干分作六分大鍋內文武火炒令黃色不得焦擲冷入殼桂陳皮和勻每服五錢水二鍾姜三片煎一鍾服

婦人血風証因崩漏大脫血或前後血因而涸燥其熱未除尋衣摸床撮空閉目不省人事揚手擲足搖動不安錯語失神脉弦浮而虛內有燥熱之極氣粗鼻乾而不潤上下通燥此為難治宜服生地黃黃連湯

治男子去血多亦有此症其妙不可容言

生地黃黃連湯

川芎 生地 當歸 各七分 赤芍藥 梔子

黃芩 黃連 各三分 防風

每服五錢水煎清飲徐之呷之如脉實可加大黃下之大承氣湯氣藥也自外而之內者用之生地黃之連湯血藥也自內而之外者用之氣血合病循衣撮空治同

自氣而之血之而復之氣者大承氣湯下之自血而之氣之而復之血者生地黃之連湯注二者俱不大便此是承氣湯對子又與三黃石膏湯表裏皆是三焦胞絡相火之用也病既危急只得以此湯降血中火耳不拘婦人男子去血過

多而有此症者皆宜服之無不効者

秘用三十七方就註二十七槌法

升麻發表湯 即麻黃湯附加減法

治冬月正傷寒頭疼發熱惡寒脊強脉浮緊無汗為表症此足太陽膀胱經受邪當發汗以頭如斧劈身如火熾者宜此湯有汗者勿用

麻黃 桂枝 甘草 杏仁 升麻 川芎

防風 白芷 羌活

本經發熱惡寒頭痛無汗而喘者本方加干葛

去升麻

本經發熱惡寒身軀痛者本方加蒼朮芍藥去杏仁

本經惡寒發熱身痒面赤者以其不得小便出故也本方去白芷升麻杏仁加柴胡芍藥

本經頭痛發熱惡寒胸中飽悶者本方加枳殼桔梗

本經感寒深重服湯不作汗者再宜服至二三劑而汗不出者死

本經汗後不解者宜再服量症輕重用麻黃升麻分多寡為當

水二鍾姜三片葱白二莖槌法加江西豆豉一撮煎之熱服取汗有神宜厚被覆首凡中病即止不得多服多則反加別病

踈邪實表湯 即桂枝湯附加減法

治冬月正傷風頭痛發熱惡寒脊強脉浮緩自汗為表症此足太陽膀胱經受邪當實表散邪無汗者不可服

桂枝 芍藥 甘草 防風 川芎 羌活
白朮 如汗不止加黃芪 喘加杏仁柴胡
胸中飽悶加枳殼桔梗

水二鍾姜三片枣二枚槌法加膠飴二匙溫服
羌活冲和湯 以代桂枝麻黃青龍各半等湯此
太陽經之神藥也

治春夏秋非時感冒暴寒頭痛發熱惡寒脊強
無汗脉浮緊此足太陽膀胱經受邪是表症宜
發散不與冬時正傷寒同治此湯非獨治三時

暴寒春可治溫夏可治熱秋可治濕治雜症亦
有神也冬寒亦可用惟黃芩須輕投耳

羌活 蒼朮 各一錢半 防風 黃芩 川芎 白芷

甘草 生地黃 各一錢 細辛 五分不可多

水二鍾煎八分熱服溫被蓋要取微汗濕土司
天加蒼朮一錢五分天久淫雨亦加如渴加石
膏三錢知母一錢不渴不加冬月禁之

如胸中飽悶加桔梗枳殼去生地
夏月加石膏知母名神木湯如服此湯後不作

汗本方加蘇葉喘而惡寒身熱本方加杏仁生地汗後不解宜服要汗下兼行加大黃乃釜底抽薪之法

其春夏秋感冒非時傷寒亦有頭疼惡寒身熱脉浮緩自汗宜實表本方去蒼朮加白朮汗不止加黃芪即加減冲和湯再不止以小柴胡加桂枝芍藥一錢有神

槌法姜三片枣二枚煎至一鍾加葱白搗汁五是再煎一二沸如發汗熱服止汗温服

柴葛解肌湯 即葛根湯附加減法

治足陽明胃經受邪目痛鼻乾不眠微頭疼眼眶痛脉來微洪宜解肌屬陽明經病其正陽明腑病別有治法

柴胡 葛根 甘草 黃芩

芍藥 羌活 白芷 桔梗

本經無汗惡寒甚者去黃芩加麻黃冬月宜加春宜少夏秋去之加蘇葉

本經有汗而渴者治法在如神白虎湯下即白